

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), a u vezi sa članom 7. Zakona o ministarskim vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 107. sjednici, održanoj 28.11.2025. godine, d o n o s i

O D L U K U

o dopunama Odluke o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona

Član 1.

(Dopuna DIJELA TREĆEG)

U Odluci o utvrđivanju Standarda i kriterija Vlade Zeničko-dobojskog kantona za imenovanja / nominiranja na upražnjenu poziciju u reguliranim tijelima Zeničko-dobojskog kantona ("Službene novine Zeničko-dobojskog kantona", broj: 4/15, 7/15, 11/16, 5/23, 10/23, 5/24 i 15/25) u DIJELU TREĆEM - REGULIRANA TIJELA U KOJIMA JE VLADA KANTONA „ODGOVORNI JAVNI SLUŽBENIK“ U OBLASTI DRUŠTVENIH DJELATNOSTI iza POGLAVLJA IX - ZAVOD ZA BOLESTI OVISNOSTI ZENIČKO-DOBOJSKOG KANTONA dodaje se novo poglavlje koje glasi:

„POGLAVLJE X – JAVNA USTANOVA ZA ZAŠTIĆENA PRIRODNA PODRUČJA

Član 19a.

(Posebni uvjeti za imenovanje/ nominiranje)

(1) Posebni uvjeti za imenovanje/nominiranje predsjednika i člana Upravnog i Nadzornog odbora Javne ustanove za zaštićena prirodna područja su:

- a) VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja, iz oblasti slijedećih struka: zaštite prirode, biologije, ekologije, veterinarstva, šumarstva, geografije, turizma, prava i ekonomije.
- b) najmanje pet godina radnog iskustva nakon sticanja tražene visoke stručne spreme,
- c) da nije član nadzornog ili upravnog odbora, odnosno odbora za reviziju, nekog privrednog društva ili institucije,
- d) komunikacijske i organizatorske sposobnosti,
- e) sposobnost ekonomskih i pravnih analiza i propisa
- f) rezultati rada ostvareni tokom poslovne karijere, posebno u oblasti zaštite prirode,

(2) Prilikom procjene posebnih uvjeta, kriteriji navedeni u stavu (1) tačke d), e) i f) ovog člana izrazit će se u bodovima od 1 do 5.“

Član 2.

(Dopuna člana 23.)

U članu 23. u tački g) iza riječi „Zenica“ dodaju se riječi „i predsjednika i člana Upravnog i Nadzornog odbora Javne ustanove za zaštićena prirodna područja“

Član 3.
(Ovlaštenje)

Ovlašćuje se Sekretarijat za zakonodavstvo da utvrdi Prečišćeni tekst Odluke.

Član 4.
(Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 02-02-21249/25

Datum, 28.11.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje,
 promet i komunikacije i zaštitu okoline,
1x Stručna služba Vlade,
1x Ministarstvo za pravosuđe i upravu,
1x „Službene novine Zeničko-dobojskog kantona“,
1x a/a.